

“Rakyat perlu bijak menggunakan media sosial untuk tujuan positif dan menolak maklumat atau berita yang sengaja dikeluarkan untuk merosakkan sesuatu ekosistem sedia ada

Ahmad Zahid Hamidi

■ Maklumat terpesong di alam maya dorong 95% rakyat Malaysia terbabit militan

Hayati Ibrahim

ya_t@hmetro.com.my

Putrajaya

Sebanyak 95 peratus rakyat negara ini terpengaruh untuk terbabit dalam kumpulan militan dan menjadi pengganas melalui Facebook (FB), kata Timbalan Perdana Menteri Datuk Seri Dr Ahmad Zahid Hamidi.

Beliau berkata, maklumat itu diperoleh hasil penyelidikan yang dibuat pakar dalam bidang berkenaan dan ahli psikologi.

“(Kebanyakan) maklumat yang mereka peroleh dari FB adalah pandangan yang sudah diputarbelitkan dengan (perkataan) ‘jihad’ dan ‘tauhid’ yang direka oleh pemimpin organisasi pengganas.

“Budaya baru ini akan menjadikan rakyat menentang kerajaan dan peperangan mereka bukan lagi (bertujuan) berjuang untuk melindungi kedaulatan atau wilayah.

“Tetapi peperangan mereka adalah untuk menentang ‘madmen’ (orang gila) dengan senjata di tangan mereka yang kononnya berjuang atas nama agama,



AHMAD Zahid ketika majlis pelancaran Persidangan Antarabangsa Ekologi Manusia (HEIC 2017) di Putrajaya.

Pengganas FB

bangsa dan politik,” katanya ketika berucap pada majlis perasmian Persidangan Ekologi Manusia Antarabangsa (HEIC 2017) anjuran Universiti Putra Malaysia (UPM) di sini, semalam.

Turut hadir Naib Canselor UPM Profesor Datin Paduka Dr Aini Ideris dan Dekan Fakulti Ekologi Manusia Profesor Dr Lailiy Paim.

Ahmad Zahid yang juga Menteri Dalam Negeri berkata, ini menunjukkan media sosial boleh menjadi satu bentuk revolusi kebudayaan yang berbahaya kepada masyarakat, bersandarkan kepada fakta medium ini adalah sumber maklumat yang akan meletakkan kuasa ke-

“

Media sosial boleh menjadi satu bentuk revolusi kebudayaan yang berbahaya kepada masyarakat,”

Ahmad Zahid Hamidi

rajaan di tangan rakyat mereka.

Katanya, medium yang ditawarkan media sosial menjadi satu platform untuk penyebaran tingkah laku tidak bermoral, ruang untuk urusan perniagaan, menghasut ke arah keganasan, mesin propaganda, menyebarkan penipuan, mengha-

sut ke arah kebencian dan saluran untuk menyebarkan penipuan.

“Ia secara tidak langsung menyentuh mengenai sistem kepercayaan, kebijaksanaan dan prinsip moral yang secara perlahan-lahan boleh menyebabkan manusia hilang maruah diri.

“Ini adalah satu budaya baru dan membentuk profil sosial masyarakat di seluruh dunia,” katanya.

Sehubungan itu, beliau berkata, rakyat perlu bijak menggunakan media sosial untuk tujuan positif dan menolak maklumat atau berita yang sengaja dikeluarkan untuk merosakkan sesuatu ekosistem sedia ada.